



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 447 005
Centrala: 032 447-000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 01-02-1781/20
Zenica, 15.04.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača „INEL BH“ D.O.O. MAGLAJ, kao jedine dostavljene i najpovoljnije za javnu nabavku robe – respiratori i to za **LOT 1 - Klinički respirator za djecu i odrasle 3 /tri/ komada** za potrebe JU Kantonalna bolnica Zenica, ukupne vrijednosti ponude **143.100,00 KM bez PDV-a**, i dodjeljuje ugovor navedenom ponuđaču.

Sa odabranim ponuđačem iz stava I ove odluke zaključiće se ugovor na ukupnu vrijednost ponude od 143.100,00 bez PDV-a, a nakon pravosnažnosti ove odluke.

II

Vrši se odabir ponude ponuđača „ALFA MED“ D.O.O. TOMISLAVGRAD, kao jedine dostavljene i najpovoljnije za javnu nabavku robe – respiratori i to za **LOT 2 - ICU Ventilator Elisa 600 2 /dva/ komada** za potrebe JU Kantonalna bolnica Zenica, ukupne vrijednosti ponude **89.800,00 KM bez PDV-a**, i dodjeljuje ugovor navedenom ponuđaču.

Sa odabranim ponuđačem iz stava I ove odluke zaključiće se ugovor na ukupnu vrijednost ponude od 89.800,00 bez PDV-a, a nakon pravosnažnosti ove odluke.

III

Javna nabavka je provedena putem hitnog pregovaračkog postupka bez objave obavještenja, tender broj: 31-N-26/20, uz objavu ex-ante obavještenja o transparentnosti.

IV

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj: 103/14), Komisija za nabavku robe - Respiratori 5 /pet/ komada za potrebe JU Kantonalna bolnica Zenica (tender broj: 31-N-26/20), imenovana Odlukom direktora broj: 01-02-179-3/20 od 06.04.2020. godine podnosi direktoru JU Kantonalna bolnica Zenica izvještaj o provedenom postupku javne nabavke robe – Respiratori 5 /pet/ komada za potrebe JU Kantonalna bolnica Zenica (tender broj: 31-N-26/20).

Odlukom direktora, broj: 01-02-179/20 od 06.04.2020. godine pokrenut je postupak javne nabavke robe – Respiratori 5 /pet/ komada za potrebe JU Kantonalna bolnica Zenica (tender broj: 31-N-26/20), ukupne procijenjene vrijednosti 250.000,00 KM bez PDV-a za zaključivanje ugovora pregovaračkim postupkom BEZ objave obavještenja o nabavci, a u skladu sa članom 21. st.1.tačka d) Zakona o javnim nabavkama.

Pregovarački postupak bez objave obavještenja je odabran za korištenje iz sljedećih razloga:

Odlukom direktora JU KB Zenica, broj: 33-02-1664/20 od 26.03.2020.g., pokrenuta je javna nabavka medicinske i nemedicinske opreme neophodne u provođenju adekvatnih mjera radi sprečavanja, ranog

otkrivanja, liječenja i zaštite od korona virusa. Odlukom Vlade Ze-do kantona, broj: 02-11-5001/20 od 27.03.2020.g. odobrena su sredstva JU KB Zenica za nabavku medicinske opreme, u kojoj su u čl.1 predviđena sredstva za predmetnu nabavku i određena vrsta postupka-pregovarački postupak bez objave obavještenja u skladu sa članom 21. stav 1 tačka d) Zakona o javnim nabavkama BiH.

Zakonom o javnim nabavkama BiH, čl.21. propisani su uslovi za dodjelu ugovora o nabavci putem pregovaračkog postupka bez objave obavještenja, i to, d) kada izuzetno, zbog dokazivih razloga krajnje hitnosti prouzrokovane događajima nepredvidivim za ugovorni organ ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak za objavu obavještenja. Okolnosti kojom se opravdava izuzetna hitnost postupka ni ukom slučaju ne smiju se dovesti sa ugovornim organom.

Zbog proglašenja vandredne situacije-nesreće u BiH zbog korona virusa, a u cilju borbe i zaštite od korona virusa, hitno je potrebno obezbijediti neophodnu nedostajuću opremu u Bolnici, zbog potrebe liječenja zaraženih pacijenata, građana i medicinskog osoblja potencijalno zaraženih od korona virusa u ZDK, a zbog okolnosti da ne postoji niti jedna druga zakonska mogućnost za nabavku navedene opreme, smatramo da su ispunjeni uslovi za provođenje hitne nabavke navedene opreme putem pregovaračkog postupka bez objave obavještenja.

Na osnovu člana 28. st. (4) ZJN BiH, u cilju transparentnog postupanja, ugovorni organ će na svojoj internetskoj stranici objaviti informacije o pregovaračkom postupku bez objave obavještenja o predmetnoj nabavci, na način da će objaviti tendersku dokumentaciju i istu učiniti dostupnom za sve druge zainteresirane kandidate/ponuđače, te iste pozvati za učešće u postupku.

Poziv za učešće u predmetnoj javnoj nabavci poslan je ponuđačima za LOT 1 i LOT 2 dana 09.04.2020. godine sa rokom za prijem zahtjeva za učešće do 13.04.2020. godine (ponedjeljak) do 11,00 sati i otvaranjem ponuda/zahtjeva za učešće zakazanim za dan 13.04.2020.godine u 11,10 sati.

Nakon isteka roka za dostavljanje zahtjeva za učešće, Komisija za nabavke je u 11,15 sati pristupila realizaciji I faze nadmetanja odnosno predkvalifikacije tj. analizi dokumentacije priložene uz zahtjev za učešće u smislu provjere njihove validnosti obzirom na iskazane kvalifikacione zahtjeve ugovornog organa u tenderskoj dokumentaciji, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija konstatuje da zahtjev za učešće/ponudu dostavio je jedini pozvani kandidat za LOT 1 :

1. „INEL BH“ D.O.O. MAGLAJ

Komisija konstatuje da zahtjev za učešće/ponudu dostavio je jedini pozvani kandidat za LOT 2 :

2. „ALFA MED“ D.O.O. TOMISLAVGRAD

I Komisija je tražila dostavu sljedećih dokumenata kao bi kandidati dokazali svoju kvalificiranost:

Lična sposobnost kandidata (član 45. Zakona o javnim nabavkama BiH)

U svrhu dokazivanja lične sposobnosti kandidat je dužan dokazati da:

- a) u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi s plaćanjem direktnih i indirektnih poreza u skladu s važećim propisima u Bosni i Hercegovini ili zemlji u kojoj je registrovan.

U svhu dokazivanja kvalifikovanosti iz tačke 6.1. kandidat je dužan dostaviti Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH, Prilog broj 2 (u prilogu ove TD), ovjerenu kod nadležnog organa.

Ukoliko kandidat bude odabran kao najpovoljniji ponudjač, dužan je dostaviti original ili ovjerene kopije dokumenata navedenih u svrhu dokazivanja činjenica datih u Izjavi, i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Izjava ne smije biti starija od 15 /petnaest/dana od dana predaje ponude.

Original ili ovjerene kopije dokumenata ne mogu biti stariji od tri (3) mjeseca, računajući od momenta predaje ponude i moraju sadržavati potvrdu da je u momentu predaje ponude kandidat ispunjavao sve uslove koji se traže TD, u protivnom će se smatrati da je kandidat dao lažnu izjavu iz člana 45. Zakona o javnim nabavkama BiH. Dokaze je izabrani ponuđač dužan dostaviti na adresu ugovornog organa u roku od 5 (pet) dana od dana zaprimanja obavještenja o dodjeli ugovora.

Kao dokaz o ispunjavanju uslova iz tačke 6. 1. pod c) i d), ugovorni organ prihvata i sporazum kandidata sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da kandidat u predviđenoj dinamici izmiruje svoje reprogramirane obaveze.

Ukoliko ugovorni organ bude imao sumnje u postojanje okolnosti vezanih za ličnu sposobnost kandidata, ugovorni organ će se obratiti nadležnim organima s ciljem provjere dostavljene dokumentacije iz tačke 6.1 i Izjave iz tačke 6. TD.

Ugovorni organ će odbiti zahtjev za učešće ukoliko utvrdi da je ponuđač bio kriv za težak profesionalni propust počinjen tokom perioda od tri godine prije početka predmetnog postupka, koji ugovorni organ može dokazati na bilo koji način, posebno značajni i /ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

Tehnička i profesionalna sposobnost kandidata (član 46. Zakona o javnim nabavkama BiH)

U svrhu dokazivanja tehničke i profesionalne sposobnosti kandidat je dužan dokazati da:

- a) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude.
- b) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH
- c) da je ovlaštenu distributer za predmet javne nabavke

U svrhu dokazivanja uslova iz tačke a) ponudjač je dužan dostaviti aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke b.) aktuelni-važeći dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

U svrhu dokazivanja uslova iz tačke c.) važeća autorizacija proizvođača ili glavnog distributera ponuđenih medicinskih sredstava.

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Tehnička sposobnost kandidata (član 48. i 49. Zakona o javnim nabavkama BiH)

U svrhu dokazivanja tehničke sposobnosti kandidat je dužan dokazati da:

- a) Da je ponudjeno medicinsko sredstvo upisano u registar medicinskih sredstava kod Agencije za lijekove i medicinska sredstva BiH,
- b) da ponudjeno medicinsko sredstvo posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH)
- c) Opise i/ili fotografije ponuđenog medicinskog sredstva

U svrhu dokazivanja uslova iz tačke a) ponudjač je dužan dostaviti kopiju važećeg dokumenta (rješenje, potvrda i sl.) o upisu ponudjenog medicinskog sredstva u registar medicinskih sredstava kod Agencije za lijekove i medicinska sredstva BiH.

U svrhu dokazivanja uslova iz tačke b) ponuđač je dužan dostaviti:

- EC –Certifikat o uskladenosti ili izjave proizvođača o uskladenosti ponudjenog medicinskog sredstva s evropskom direktivom (Declaration of Conformity).
- Izjava ponudjača da će uz isporuku medicinskog sredstva dostaviti ovjerenu kopiju saglasnosti za uvoz medicinskog sredstva izdatog od strane Agencije za lijekove i medicinska sredstva BiH (originalan dokument),

U svrhu dokazivanja uslova iz tačke c) ponuđač je dužan dostaviti:

- prospektnu dokumentaciju za ponuđeno medicinsko sredstvo (tehničke karakteristike, kataloška slika) na jednom od službenih jezika u B i H,

NAPOMENA: Primjena uslova za dokazivanja tehničke sposobnosti kandidata (član 48. i 49. ZJN BiH) pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava upisanih u registar kod Agencije za lijekove i medicinska sredstva BiH, a prema aktu navedene Agencije od 21.01.2016.godine.

Za ponuđače koji ponude medicinsko sredstvo upisano u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b).

Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenog dokumenta u roku od 10 (deset) dana od dana zaprimanja obavještenja o rezultatima ovog postupka javne nabavke.

Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom .

Ako je period od registracije/osnivanja dobavljača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost dobavljača, dobavljač treba dostaviti dokumente samo za period od svoje registracije/osnivanja.

Ostali uslovi za kvalifikaciju

Izjave i dokumenti o uslovima za isporuku robe i garanciju koji su sastavni dio ponude pozvanog ponuđača

1. Izjava ponuđača da garantni rok za isporučena medicinsku opremu iznosi minimalno 12 /dvanaest/mjeseci računajući od dana isporuke predmetne robe
2. Izjava ponuđača o opciji ponude u skladu sa tačkom III.6. TD, ovjerena i potpisan od strane ovlaštene osobe
3. Izjava ponuđača o mjestu isporuke u skladu sa tačkom 3. TD, ovjerena i potpisan od strane ovlaštene osobe

4. Izjava ponuđača o roku isporuke u skladu sa tačkom 4. TD, ovjerena i potpisan od strane ovlaštene osobe
5. Izjava ponuđača da pristaje na elektronsku korespondenciju, ovjerena i potpisan od strane ovlaštene osobe
6. Izjava ponuđača da rok plaćanja predmetne robe ne može biti duži od 7 /sedam/ dana od dana isporuke iste robe Ugovornom organu
7. Izjava ponudjača da je za vrijeme garantnog roka servis, rezervni dijelovi i potrošni materijal besplatni, a nakon isteka garantnog roka da su obezbjedjeni rezervni dijelovi minimalno 10 /deset/ godina
8. Lista rezervnih dijelova sa cijenama
9. Izjava ponuđača da će dostavljati robu u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njegove ponude

Zahtjev za učešće mora sadržavati izjave i dokumente tražene ovom TD, i to:

- Zahtjev za učešće na Obrascu (Prilog broj 1), popunjen, ovjeren i potpisan od strane ovlaštene osobe;
- Popis dokumentacije priložene uz ponudu sa osnovnim podacima ponuđača, ovjeren i potpisan od strane ovlaštene osobe
- Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH (Prilog broj 2), ovjerenu kod nadležnog organa,
- Dokumentaciju u skladu sa tačkom 5.1. TD iz koje se vidi da isti ispunjava uslove iz člana 45. ZJN BiH
- Dokumentaciju u skladu sa tačkom 5.2. TD iz koje se vidi da isti ispunjava uslove iz člana 46. ZJN BiH
- Dokumentaciju u skladu sa tačkom 5.3. TD iz koje se vidi da isti ispunjava uslove iz člana 48. i 49. ZJN BiH
- Izjave u skladu sa tačkom 5.4. TD, potpisane i ovjerene od strane ovlaštene osobe
- Izjava o ne davanju mita i ne učestvovanju u radnjama koje za cilj imaju korupciju u predmetnoj javnoj nabavci (čl.52. Zakona o javnim nabavkama) (Prilog broj 3), ovjerenu kod nadležnog organa;
- Obrazac povjerljivih informacija, (Prilog broj 4),
Ukoliko Zahtjev za učešće/ponude, umjesto lica upisanog u sudski registar, potpisuje ovlašteno lice, potrebno je uz Zahtjev za učešće, dostaviti i
- Original ili ovjerenu fotokopiju punomoći lica ovlaštenog za potpisivanje Zahtjeva za učešće/ponuda.

Komisija koja provodi predmetnu javnu nabavku utvrdila je da je ponuđač "INEL BH" D.O.O. MAGLAI dostavio slijedeća tražena dokumenta za LOT 1:

- Obrazac za dostavljanje zahtjeva za učešće u pregovaračkom postupku nabavke bez objave obavještenja, Prilog broj 1, popunjen i potpisa od strane ovlaštene osobe
- Izjava o ispunjavanju uslova iz člana 45. ZJN BiH, Prilog broj 2, popunjen i ovjeren od strane ovlaštene osobe
- Uvjerenje Suda BiH, broj: 03-1356/20 od 20.02.2020. godine, ovjera od strane ovlaštene osobe
- Uvjerenje Općinskog suda u Zenici, broj: 043-Su-R-I-20-000766 od 23.03.2020. godine, ovjerena kopija od strane ovlaštene osobe od 10.4.2020. godine
- Lista osiguranih lica za obveznike od 30.03.2020. godine
- Uvjerenje Uprave za indirektno-neizravno oporezivanje Regionalnog centra Tuzla, broj: 02/6/IV-116-11-89-1975-1 od 23.03.2020. godine, kopija ovjerena od strane ovlaštene osobe dana 10.4.2020. godine
- Aktuelni izvod iz sudskog izvodka Općinskog suda u Zenici, broj: 043-0-RegZ-20-000787 od 24.03.2020. godine
- Rješenje Agencije za lijekove i medicinska sredstva, broj: 10-07.12-2-9000-1/19 od 03.02.2020. godine kopija od strane ovlaštene osobe dana 10.4.2020. godine
- Letter of authorization, kopija ovjerena od strane ovlaštene osobe dana 10.04.2020. godine
- Potvrda Agencije za lijekove i medicinska sredstva, broj: 06-07.4-1-5088-1/16 od 28.12.2016. godine, sa prilogom, ovjerena kopija od strane ovlaštene osobe dana 10.04.2020. godine
- EC Declaration od Conformity
- Izjava ponuđača o garantnom roku (12 mjeseci), potpisana i ovjerena od strane ovlaštene osobe
- Izjava ponuđača o opciji ponude, potpisana i ovjerena od strane ovlaštene osobe
- Izjava o mjestu isporuke, ovjerena i potpisana od strane ovlaštene osobe
- Izjava ponuđača o roku isporuke (30 dana), ovjerena i potpisana od strane ovlaštene osobe
- Izjava ponuđača o prihvatanju elektronske korespondencije, ovjerena i potpisana od strane ovlaštene osobe
- Izjava ponuđača o roku plaćanja, potpisana i ovjerena od strane ovlaštene osobe
- Izjava o servisu i rezervnim dijelovima, potpisana i ovjerena od strane ovlaštene osobe

- Izjava o listi rezervnih dijelova, potpisana i ovjerena od strane ovlaštene osobe
- Cjenovnik softverskih opcija, dodatne opreme, potrošnog materijala i rezervnih dijelova za respiratora IMT MEDICAL BELLAVISTA 1000
- Izjava ponuđača o dostavi robe u skladu sa tehničkom specifikacijom, potpisana i ovjerena od strane ovlaštene osobe
- Pismena izjava iz člana 52. ZJN BiH, Prilog broj 3, popunjena, potpisana i ovjerena od strane nadležnog organa dana 10.04.2020. godine
- Povjerljive informacije, Prilog broj 4 TD (nema povjerljivih informacija), potpisana i ovjerena od strane ovlaštene osobe
- Prospektna dokumentacija od strane 29 do strana 49

Komisija pristupa analizi i procjeni kvalifikacija kandidata **"INEL BH" D.O.O. MAGLAI** za LOT 1 i konstatuje da je kandidat dokazao svoju kvalificiranost, jer je utvrđeno da je zahtjev za učešće uvezan na način utvrđen T.D., da je ponudjač dostavio sve dokumente, obrasce i izjave tražene tačkom 5. TD o ispunjavanju kvalifikacionih uslova traženih u pogledu lične, profesionalne i tehničke sposobnosti ponudjača, kao i u pogledu uslova isporuke.

Komisija koja provodi predmetnu javnu nabavku utvrdila je da je ponudjač "ALFA MED" D.O.O. TOMISLAVGRAD dostavio slijedeća tražena dokumenta za LOT 2:

- Naslovna strana
- Osnovni podaci o ponudacu na memorandumu ponuđača, potpisani i ovjereni od strane ovlaštene osobe;
- Obrazac za dostavljanje zahtjeva za učešće, sa popisom dostavljenih dokumenata, Prilog broj 1, popunjen, potpisan i ovjeren od strane ovlaštene osobe
- Lista dostavljene dokumentacije koja sačinjava ponudu u predmetnoj javnoj nabavci
- Obrazac izjave o ispunjenosti uslova iz člana 45. stav (1) tačkaka od a) do d) Zakona o javnim nabavkama BiH, Prilog broj 2, popunjen, potpisan i ovjeren od strane nadležnog organa dana 10.4.2020. godine;
- Uvjerenje PU FBiH, Kantonalni porezni ured Livno, Porezna ispostava Tomislavgrad broj 13-10/1-12-5-563/20 od 11.02.2020. da ponudjač prema poreznoj evidenciji nema obaveza, kopija
- Uvjerenje UIO BiH, Reg. Centar Mostar broj 02/6-III-16-11-2-739/20 od 19.02.2020. godine, kopija
- Potvrda Općinskog suda u Livnu broj: 068-0-SU-20-000246 od 09.03.2020. godine kojom se potvrđuje da ponudjač nije pod stečajem i likvidacijom, te nije pred postupkom stečaja, potpisan i ovjeren od strane ovlaštene osobe, kopija;
- Uvjerenje Općinskog suda Livno broj: 068-2-PR-SU-20-000014 od 10.03.2020. da ponudjač nije osuđivan u sudskom postupku, niti proglašen krivim za ozbiljan profesionalni prekršaj, potpisan i ovjeren od strane ovlaštene osobe, kopija;
- Aktuelni izvod iz sudskog registra, Općinski sud u Livnu od 07.04.2020. godine, kopija
- Rješenje od Agencije za lijekove i medicinska sredstva BiH kojim ponudjač ispunjava uvjete za obavljanje djelatnosti prometa lijekova na veliko, broj: 10-07.-12-6-8158-1/18 od 26.12.2018. g, kopija
- Autorizacija LOWENSTEIN MEDICAL GmbH&Co.KG (na engleskom), kopija
- Potvrda Agencije za lijekove i medicinska sredstva BiH, broj: 06-07.4-1-1002-1/17 od 20.03.2002. godine sa prilogom, kopija
- Prospektna dokumentacija od strane 41. do strane 72. ponude
- Izjava ponuđača o garanciji – 12 mjeseci, ovjerena i potpisana od strane ovlaštene osobe,
- Izjava ponuđača o važenju ponude – 120 dana, potpisana i ovjerena od strane ovlaštene osobe,
- Izjava ponuđača o elektronskoj korespondenciji – 120 dana, potpisana i ovjerena od strane ovlaštene osobe,
- Izjava ponuđača o mjestu isporuke JU KBZ, potpisana i ovjerena od strane ovlaštene osobe,
- Izjava ponuđača o roku isporuke - 10 nedjelja od dana primitka narudbenice, potpisana i ovjerena od strane ovlaštene osobe,
- Izjava ponuđača o elektronskoj korespondenciji, potpisan ai ovjerena od strane ovlaštene osobe
- Izjava ponuđača o plaćanju, potpisana i ovjerena od strane ovlaštene osobe
- Izjava ponuđača o servisu, potpisana i ovjerena od strane ovlaštene osobe
- Lista rezervnih dijelova
- Izjava ponuđača o dostavi robe, potpisana i ovjerena od strane ovlaštene osobe
- Izjava iz člana 52 Zakona o javnim nabavkama, Prilog broj 3, ovjerena kod nadležnog organa dana 10.4.2020. godine;
- Povjerljive informacije; Prilog broj 4. ,potpisana i ovjerena od strane ovlaštene osobe,

Komisija pristupa analizi i procjeni kvalifikacija kandidata „ALFA MED“ D.O.O. TOMISLAVGRAD za LOT 2 i konstatuje da je kandidat dokazao svoju kvalificiranost, jer je utvrđeno da je zahtjev za učešće uvezan na način utvrđen T.D., da je ponudjač dostavio sve dokumente, obrasce i izjave tražene tačkom 5. TD o ispunjavanju kvalifikacionih uslova traženih u pogledu lične, profesionalne i tehničke sposobnosti ponudjača, kao i u pogledu uslova isporuke.

NAZIV I SJEDIŠTE SPOSODNIH KANDIDATA KOJE ĆE UGOVORNI ORGAN POZVATI NA DOSTAVU PONUDA I PREGOVARANJE I RAZLOZI ZA NJIHOV IZBOR

„INEL BH“ D.O.O. MAGLAJ ZA LOT 1
„ALFA MED“ D.O.O. TOMISLAVGRAD ZA LOT 2

Komisija pristupa analizi i procjeni kvalifikacija kandidata „INEL BH“ D.O.O. MAGLAJ za LOT 1 i kandidata „ALFA MED“ D.O.O. TOMISLAVGRAD za LOT 2 i konstatuje da su kandidati dokazali svoju kvalificiranost, jer je utvrđeno da je zahtjev za učešće uvezan na način utvrđen T.D., da su ponudjači dostavili sve dokumente, obrasce i izjave tražene tačkom 5. TD o ispunjavanju kvalifikacionih uslova traženih u pogledu lične, profesionalne i tehničke sposobnosti ponudjača, kao i u pogledu uslova isporuke.

Obzirom da je dana 16.03.2020. godine Vlada Federacije Bosne i Hercegovine proglasila stanje nesreće zbog pandemije koronavirusa (COVID-19) i zbog novonastale situacije i preporuke Agencije za javne nabavke Komisija koja provodi predmetnu javnu nabavku prihvatila je od imenovanog ponudjača dokumentaciju koja je skenirana pristigla na službeni mail Ugovornog organa, s tim da je imenovani prema datim informacijama originalnu i prema uslovima TD uvezanu ponudu (zahtjev za učešće, inicijalnu i konačnu ponudu) dostavio putem pošte, koja će činiti sastavni dio predmeta javne nabavke broj: 31-N-25/20.

Komisija jednoglasno donosi odluku da se Direktorju JU Kantonalna bolnica Zenica predloži donošenje odluke o utvrđivanju kvalificiranosti kandidata „INEL BH“ D.O.O. MAGLAJ za LOT 1 i kandidata „ALFA MED“ D.O.O. TOMISLAVGRAD za LOT 2, te upućivanju zahtjeva za dostavu Inicijalne ponude za nabavku roba: respiratori 5 /pet/ komada za potrebe JU Kantonalna bolnioca Zenica.

ANALIZA PONUDA VEZANO UZ ISPUNJENJE ZAHTJEVA U POGLEDU OPISA PREDMETA NABAVKE I TEHNIČKIH SPECIFIKACIJA

Uvidom u Inicijalnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponudjač uz Inicijalnu ponudu ponudjač „INEL BH“ D.O.O. MAGLAJ dostavio sljedeća tražena dokumenta za LOT 1 – Klinički respirator za djecu i odrasle 3 komada za potrebe JU Kantonalna bolnica Zenica:

- 1) Specifikacija dostavljene dokumentacije koja čini sastavni dio ponude ponudjača, na memorandumu ponudjača, potpisana i ovjerena od strane ovlaštene osobe
- 2) Osnovni podaci o ponudjaču na memorandumu ponudjača, potpisani i ovjereni od strane ovlaštene osobe
- 3) Obrazac za dostavljanje inicijalne ponude, popunjen, ovjeren i potpisan od strane ovlaštene osobe, Prilog broj 1
- 4) Obrazac za inicijalnu ponudu, Prilog broj 2, popunjen, potpisan i ovjeren od strane ovlaštene osobe
- 5) Ponuda na memorandumu ponudjača, ovjerena i potpisana od strane ovlaštene osobe
- 6) Obrazac Izjave o dostavi garancije za uredno izvršenje ugovora, Prilog broj 3
- 7) Nacrt ugovor o nabavci robe, Prilog broj 4, popunjen, ovjeren i potpisan od strane ovlaštene osobe
- 8) Obrazac Izjave o prihvatanju općih i posebnih uslova TD, Prilog broj 5 TD, popunjen, ovjeren i potpisan od strane ovlaštene osobe
- 9) Forma garancije za uredno izvršenje ugovora, Prilog broj 6 TD
- 10) Ovlaštenje na ime Velić Mirsad

ANALIZA PRIHVATLJIVIH PONUDA PREMA KRITERIJU ZA IZBOR PONUDE PONUDJAČA „INEL BH“ D.O.O. MAGLAJ ZA LOT 1

Komisija za nabavku je uvidom u Obrazac za cijenu Inicijalne ponude utvrdila da je ponuđena cijena ukupno 143.100,00 KM bez PDV-a.

Uvidom u Inicijalnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponudjač uz Inicijalnu ponudu ponudjač „ALFA MED“ D.O.O.

TOMISLAVGRAD dostavio sljedeća tražena dokumenta za LOT 2 – ICU Ventilator Elisa 600 za potrebe JU Kantonalna bolnica Zenica:

- 1) Naslovna strana na memorandumu ponuđača
- 2) Osnovni podaci o ponuđaču na memorandumu ponuđača, potpisani i ovjereni od strane ovlaštene osobe
- 3) Obrazac za dostavljanje inicijalne ponude, popunjen, ovjeren i potpisan od strane ovlaštene osobe, Prilog broj 1
- 4) Obrazac za inicijalnu ponudu, Prilog broj 2, popunjen, potpisan i ovjeren od strane ovlaštene osobe
- 5) Ponuda na memorandumu ponuđača, ovjerena i potpisana od strane ovlaštene osobe
- 6) Obrazac Izjave o dostavi garancije za uredno izvršenje ugovora, Prilog broj 3
- 7) Nacrt ugovor o nabavci robe, Prilog broj 4, popunjen, ovjeren i potpisan od strane ovlaštene osobe
- 8) Obrazac Izjave o prihvatanju općih i posebnih uslova TD, Prilog broj 5 TD, popunjen, ovjeren i potpisan od strane ovlaštene osobe
- 9) Forma garancije za uredno izvršenje ugovora, Prilog broj 6 TD

ANALIZA PRIHVATLJIVIH PONUDA PREMA KRITERIJU ZA IZBOR PONUDE PONUĐAČA „ALFA MED“ D.O.O. TOMISLAVGRAD ZA LOT 2

Komisija za nabavku je uvidom u Obrazac za cijenu Inicijalne ponude utvrdila da je ponuđena cijena ukupno 89.800,00 KM bez PDV-a.

RANGIRANJE PRIHVATLJIVIH PONUDA PREMA KRITERIJU ZA IZBOR PONUDE

„INEL BH“ D.O.O. MAGLAJ ZA LOT 1
„ALFA MED“ D.O.O. TOMISLAVGRAD ZA LOT 2

Komisija je utvrdila da su ponudjači dostavili sva tražena dokumenta te da se može pristupiti pregovorima sa istim. Pregovori će se obaviti odmah nakon završetka ocjene Inicijalne ponude. Sastanak završen u 12,00 sati.

Predmet pregovora sa ponuđačem INEL BH MAGLAJ ZA LOT 1 je cijena, te mogućnost davanja popusta ili rabata, kao i garancija na predmetnu robu.

Pozvan je predstavnik ponuđača da se očituje u pogledu davanja popusta ili rabata u odnosu na ponuđenu cijenu u Inicijalnoj ponudi.

Ponuđač je u vezi Inicijalne ponude izjavio sljedeće:

Ostajemo kod ponuđene cijene predmetne nabavke date u Inicijalnoj ponudi.

Eventualni popusti biće iskazani u Konačnoj ponudi.

Predmet pregovora sa ponuđačem ALFA MED TOMISLAVGRAD za LOT 2 je cijena, te mogućnost davanja popusta ili rabata, kao i garancija na predmetnu robu.

Pozvan je predstavnik ponuđača da se očituje u pogledu davanja popusta ili rabata u odnosu na ponuđenu cijenu u Inicijalnoj ponudi.

Ponuđač je u vezi Inicijalne ponude izjavio sljedeće:

Ostajemo kod ponuđene cijene predmetne nabavke date u Inicijalnoj ponudi.

Eventualni popusti biće iskazani u Konačnoj ponudi.

U slučaju roka isporuke ponuđač „ALFA MED“ D.O.O. TOMISLAVGRAD je izjavio da isti ne može biti duži od 6 nedjelja kako je iskazano i u datoj ponudi.

Ugovorni organ je prihvatio rok u skladu sa datom prvobitnom ponudom.

Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač „INEL BH“ D.O.O. MAGLAJ za LOT 1 uz Konačnu ponudu dostavio sljedeća tražena dokumenta:

- Obrazac za dostavljanje konačne ponude – Prilog broj 1

- Obrazac za cijenu konačne ponude – Prilog broj 2

ANALIZA PRIHVATLJIVIH PONUDA PREMA KRITERIJU ZA IZBOR PONUDE

Komisija za nabavku je uvidom u Obrazac za cijenu Konačne ponude utvrdila da je ponuđena cijena ukupno 143.100,00 KM bez PDV-a.

Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač „ALFA MED“ D.O.O. TOMISLAVGRAD za LOT 2 uz Konačnu ponudu dostavio sljedeća tražena dokumenta:

- Obrazac za dostavljanje konačne ponude – Prilog broj 1
- Obrazac za cijenu konačne ponude – Prilog broj 2

ANALIZA PRIHVATLJIVIH PONUDA PREMA KRITERIJU ZA IZBOR PONUDE

Komisija za nabavku je uvidom u Obrazac za cijenu Konačne ponude utvrdila da je ponuđena cijena ukupno 89.800,00 KM bez PDV-a.

Komisija koja provodi predmetnu javnu nabavku jednoglasno donosi preporuku da se direktoru JU Kantonalna bolnica Zenica predloži donošenje odluke o izboru ponuđača „INEL BH“ D.O.O. MAGLAJ kao najpovoljnijeg i jedinog ponudjača za nabavku robe: Respiratori 5 /pet/ komada i to za LOT 1 Klinički respirator za djecu i odrasle 3 /tri/ komada za potrebe JU Kantonalna bolnica Zenica i ponuđača „ALFA MED“ D.O.O. TOMISLAVGRAD kao najpovoljnijeg i jedinog ponudjača za nabavku robe: Respiratori 5 /pet/ komada i to za LOT 2 ICU Ventilator Elisa 600 2 /dva/ komada za potrebe JU Kantonalna bolnica Zenica (tender broj: 31-N-26/20) .

Na osnovu gore navedenog donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba Kantonalnoj bolnici Zenica u roku od 10 (deset) dana od dana prijema iste.



DIREKTOR

Prof.dr.sc prim Rasim Skomorac

Handwritten signature: Rasim Skomorac

